

www.BibleForChildren.org

SAN MATEO 8



Dā kúvi uni ntúvi ne, viko kakuvi é katánta'a ña'a ñuú Canaa é kāduku ntée ñuú Galilea. Ikān tuví dī'í Jēsuu. Kāna ña Jesuu ni ña ntiní'i ñā é kī'in ña víko sán dī.



Dā ntî'î ntute tinti'ō sán ne, kaka'an dî'î Jēsuu ni ña: —Ña tūvī ká ntute tinti'ō san —ka'an ña. Kidáā ne, kaka'an dî'î ña nī ña ntátsu'un ko'o san: —Vií nto nee iña é kā'an i'xá ko ni ntō —ka'an ña.



Kaka'an Jéssuu ni ña: —Tsu'un tsitu nto ntūte kídi san —ka'an ña. Tsu'un tsitu ña ntūte un tsi nte xú'u i ne, kaka'an Jéssuu ni ña: —Ki'i ntodó nto ne, kue'ēn ni'i nto mí tuví vartuma kuinúu san —ka'an ña. Kuān o dé ña.



Dā íto ntee vartuma kuinúu sán ntute e ntúvi ntute tinti'ō sán ne, ñá ni inī ña mí'i vē'xi. Ntá tsi ña ntátsu'un ko'o sán ne, ini ña, tsí divi ñā táva ña. Kāna vartuma kuinúu san ñatīi, ñá dā ve tánta'a sán ne, kaka'an ñá ni ñā: —Un ntīî ntīî ña'a sán ne, di'na katsu'un ña ntute tinti'ō é dií ka va'á san.



Ntá tsi te ĩta ntí'xin kue'e xi'i ña ntántoo sán ne, kidáā táva ña ntute tinti'ō é ña te nté sa va'a. Ntá tsi divi ntō ne, dá ntē vevíí katavá nto ntute tinti'ō é dií ka va'a —ka'an ña.



Sá'a ídé Jesuu ñuú Canaa é kāduku ntée ñuú Galileá ne, kūvi di'na nuu i e dóo ka'nu idé ña vata koo é kūtuni ñá'a san tsi dóo ka'nu ña'a ña. Kidáā né, kuīnti'xe ña ntini'i ñā.



Dá kŭkŭ'vi ña má vi'ĩ Pedru kán ne, ĩní Jesuu é tuví ntaa ñuntĩ
Pedrú san e dóo kaxé'e ña ka'ni.



Kidáā né, tiin nta'a Jēsuu ntá'a ña ne, ura dú'va tsi i ntikó ña ka'ni sán ne, dā nakuntísi ña, de vá'a ña é kā'xi ña.




Dā kuáā, da idó nuu ngántii sán ne, ñá tē nté kaa ña'a xee ña mí tuví Jesuu, xee ní'i ña ña nchokuví ni ñā é ñu'u é ña vá'ā nima i. Un ntîî ntîî ña ñuu í san ne, nātaká nuu ña xi'i kan.



Ñá tē nté kaa ña'a ntavá'a Jesuú da nēé ka kui'i ntákuvi ña.
Nakúnu ñā é ña vá'ā san é ñū'u nima ñá'a san di. Ñá ni xē'é
Jesuu itsi é kā'an é ña vá'ā san xoo é divi ñā, tsí e ña vá'ā san
ne, ini tsí l'xá Xuva ko ñā.



Dukuān ne, un ntîî ntîî ña'a san ncho tîin nta'a ña Jēsuu, tsí ini ña tsi dóo iō ñá é viī ña é ntavá'a ña un ntîî ntîî ña'a san.



Kidáā ne, xée kīmi ña'a, odo ña uun ña'a, ña xi'i kúñu ī.



Ñá nī kúvi kuīta ntí'xin ña má vi'ī mí tuví
Jesuu, tsí ña te nté kaa ña'a ntáñt ña.

Dukuān ne, kúxēe ña dīkī vi'i kan
né, nākaán ña un siin dīkī vi'í
san mí tuví Jesuu. Mí kantī ne,
nákīí ña chidō é nuu
ña xi'i kúñu ī
san iní vi'i kān.




Dā íni Jesuu tsí ña odō ña xi'i kúñu ī sán ne, nī kué'en ini ña ntákuinti'xe ña ne, kaka'an ñá nī ña nchokuví san: —É ntōo kuétsi o vē, da' —ka'an ña. —Divīn é kāka'án u ni ō ne, nakuntítsin, kuni'in chido ō, kunú'ūn nú vi'i o kān —ka'an Jésuu ni ña.



Kidáā ne, ñú'u ña tun ntōó san nī ña ntántīkin ña. Un vá'a tsi ínu tatsín san kídaa, dā nté kūkî'vi ntute san iní tun ntōó san. Ntá tsi kakidi Jésuu.



Kaka'an Jéssuu ni ña: —¿Nté kui ntaú'vī ntú nto? ¿Nté kui ña
kue'e ntu ntákuinti'xe nto? —ka'an ña. Kidáā ne, nákuñtīsí
ña, kaka'an ñá ni tátsín san ni ntūte sán ne, kūkadin. Koó dā
kúdu'va ña ñu'u tun ntōó san, ntátsixe'e tā'an ña: —¿Neé ntu
ña'a ña sā'a? Tsí un tsi nte tátsín
san ni ntūte san kade ntaa é
kāka'an ña —ka'an ña.



'E vánchu'ūn ntío Xuva ko ñūxiví
sa ne, tā'xi ña l'xá mii ñā, vata koo
é un nti'i ñā'a, ña é kakuinti'xe i
ña ne, ñá kunāá ña, tsí ntii
dañu ntuvi kuntoo ña
ni Xuva kō.



Romans 3:23 tsí un ntĩĩ ntĩĩ o ntáde o kuētsi. Xoxó kuvi xee tá'an i e dóo va'a é ió iña Xuva ko.

Romans 6:23 Tsí kūdií doxi'í san ni'i kó te kuntĩkin o kuétsĩ san. Ntá tsi doméní san e tá'xi Xuva kō ne, é koo ntuvi vā'á iña ko ntii dañu ntúvi, te kuntĩkin o Tó'o ko Jesūcristu.

Hebrews 9:27 Uun ito tsi kuví o, ūn ntĩĩ ntĩĩ o ne, kidáā ne, ká'an Xuva ko te vā'á ō ne, o tē ña vá'a ō ni ide o.

Ephesians 2:8,9 Da mii tsĩ e dóo va'á Xuva kō é nakakū ñá nto da kuínti'xe nto. Ña túvi nēe nuu i é vīi mii nto é nākáku nto, ntá tsi doméni tá'xi Xuva kō é nākáku nto. Ña kúvi vīi o nee nuu i é nākáku ō, vata koo é ña vií ka'nu ō.



Romans 10:9,10 Tsí te kā'an ó ni xū'u ko tsí Jesuú ne, Tō'ó nti'xe ko ñā ne, te kuinti'xe kō tsí nantoto Xúva ko ñā rkontuvi é xi'i ñá ne, nakáku ō. Tsí te kanī nima kó kuinti'xe kō ne, ntuvá'a o ni Xuva kō. Te kā'an o tsí nuu é ntaā i e Tó'o nti'xe ko Jēsuú ne, nakáku ña kō.

John 3:16,17 'E vānchu'ūn ntío Xuva ko ñūxiví sa ne, tā'xi ña l'xá mii ñā, vata koo é un nti'í ñā'a, ña é kakuinti'xe i ña ne, ñá kunāá ña, tsí ntii dañu ntuvi kuntoo ña ni Xuva kō. Tsi ñá ni taxnuu Xuvā kó ko, xu'u é l'xā ñá, ñuxiví sa é na nākunaá u nto, tsí táxnūu ña ko é nakākú u nto.



1 John 5:11-13 Sá'ā ne, tú'ūn é ntada ntaa Xúva kō: é tā'xi ña é kuntoo o ni ña ntii dañu ntūví te kuinti'xe ko l'xā ña. Xoo e túvi ni'i i l'xá Xuva kō ne, e ní'i ña ntuvi vā'á iña ña nta'a Xúva kō. Xoo é ña tuvi ni'i i l'xá Xuva kō ne, ña túvi ntuvi vā'á iña i nta'a Xúva kō. Kade vá'a u sá'a iña nto, ña ntákuinti'xe l'xá Xuva kō, vata koo é kīni vá'a nto tsí e tá'xi Xuva kō é ni'i nto ntuvi va'á iña nto ntii dañu ntúvi.



SAN MATEO 8-9; SAN MARCOS 1-2, 4;
SAN LUCAS 4, 8; SAN JUAN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Mixtec, Coatzospan NT (miz) © 2003, Wycliffe Bible
Translators, Inc. All rights reserved.

<https://live.bible.is/bible/MIZTBL/MAT/1>

©2025 Bible for Children, Inc.

www.M1914.org

www.bibleforchildren.org

